

Leec Unv Teep Sax Loc Nyic Jah

帖撒罗尼迦前书

Hamk Lail

1 Baox Loc、Xih Lah daengh Tiic Moh Taip xap senk dos wagx juml Tieec Sah Loc Nic Jah nyaoh aox Bux Wangc Menl daengh Xus Yeeh Suh Jih Duc jah. Dogc liangp singc qaenp、taik biingc wunx dos xaop.

Senk Sais Daengh Muc Nyenc Teep Sax Loc Nyic Jah

²Jiul GAIV xaop wagx jenl bens keep singc Wangc Menl, yogc yuih xic jah bens wah touk xaop, ³nyaoh dav nas Bux Wangc Menl daol, bens nyenh xaop yenv yuih senk sais daengh sais liangp weex menv ongl hut jah, eengv nyenh xaop yenv yuih dos sais Xus Yeeh Suh Jih Duc daol xengc menv sais yaens jah. ⁴Menv jaix nongx lis Wangc Menl liangp jah ax, jiul wox xaop JANGS menv lis LAIH jah; ⁵yenv yuih sungp lail jiul xonc touk aox xaop, MEEC guangh naengc laot sungp dungl, buh naengc benh siih daengh Guaenl Menl, eengv naengc senk sais mags, xah xongs xaop wox jiul nyaoh aox xaop xic jah, yenv yuih xaop JANGS weex nup weex nyenc.

问候

1 保罗、西拉、提摩太，写信给帖撒罗尼迦在父神和主耶稣基督里的教会。愿恩惠、平安归与你们。

帖撒罗尼迦人的信心和榜样

²我们为你们众人常常感谢神，祷告的时候提到你们，³在神我们的父面前，不住地記念你们因信心所作的工夫，因爱心所受的劳苦，因盼望我们主耶稣基督所存的忍耐。⁴被神所爱的弟兄啊，我知道你们是蒙拣选的；⁵因为我们的福音传到你们那里，不独在乎言语，也在乎权能和圣灵，并充足的信心，正如你们知道我们在你们那里，为你们的缘故是怎

⁶Xaop eengv nyaoh aox egs nanh laox jah, liingx sibs Guaenl Menl saip menv benh maengx jah, eengv liingx sibs banc lix XINGV, laengx XAOL yangh lail jiul, buh XAOL yangh lail Xus; ⁷aol weex touk xaop weex yangh lail dos daengc menv nyenc senk Xus nyaoh Max Qik Dunl daengh Yal Gaih Yal jah. ⁸Yenv yuih banc lix Xus dah aox xaop naok ugs map, jiuc sais xaop senk Wangc Menl jah MEEC guangh laot nyaoh Max Qik Dunl daengh Yal Gaih Yal, laengx JANGS nyaoh ags doiv buh ledp xonc ugs yangx; il naih MEEC yongh jiul wah sungp duc mangc. ⁹Yenv yuih JAH MAOH ags lebc tingp tut jiul JANGS weex nup laos touk aox xaop, xaop JANGS weex nup baenv douv yings yangh, wunx dos Wangc Menl, yuv bonc buih Wangc Menl yuh XINGV yuh soh jah, ¹⁰gas lagx maoh dah wul menl luih map, laengx JANGS mungx Yeeh Suh dah deil xonv soh、juv daol dah aox ouv qik mus lenc todt ugs jah.

Benh Ongl Baox Loc Nyaoh Teep Sax Loc Nyic Jah

2 Douc jaix nongx, xaop bens ags wox lis jiul laos touk aox xaop, buh MEEC JANGS beec yah map. ²Jiul xic unv nyaoh Feih Lih Bii douh haik douh guav, menv naih xaop ledp wox; naengl JANGS baengh Wangc Menl daol songk bov laox, nyaoh aox DAENGL dos laox deic sungp lail Wangc Menl xonc dos xaop. ³Sungp jiul qeenk jah MEEC JANGS ugs dah longp map, MEEC JANGS ugs dah wav nyav map, buh MEEC JANGS yongh jiv jods; ⁴Wangc Menl XUIP nuv lis qit jiul, deic sungp lail nyaengx dos jiul, jiul laengx XAOL yangh wah, MEEC JANGS yuv aol nyenc xogp, bens

样为人。⁶并且你们在大难之中，蒙了圣灵所赐的喜悦，领受真道，就效法我们，也效法了主；⁷甚至你们作了马其顿和亚该亚所有信主之人的榜样。⁸因为主的道从你们那里已经传扬出来，你们向神的信心不但在马其顿和亚该亚，就是在各处也都传开了；所以不用我们说什么话。⁹因为他们自己已经报明我们是怎样进到你们那里，你们是怎样离弃偶像，归向神，要服侍那又真又活的神，¹⁰等候他儿子从天降临，就是他从死里复活的、那位救我们脱离将来忿怒的耶稣。

保罗在帖撒罗尼迦的职事

2 弟兄们，你们自己原晓得我们进到你们那里，并不是徒然的。²我们从前在腓立比被害受辱，这是你们知道的；然而还是靠我们的神放开胆量，在大争战中把神的福音传给你们。³我们的劝勉不是出于错误，不是出于污秽，也不是用诡计；⁴但神既然验中了我们，把福音托付我们，我们就照样讲，不是

JANGS yuv aol Wangc Menl xac nuv sais jiul jah xeengp sais. ⁵Yenv yuih jiul bens MEEC yongh dah sungp buds, menv naih xaop buh wox; buh MEEC xup lis sais taemp, menv naih Wangc Menl weex lis bagl biingv. ⁶⁻⁷Jiul weex lagx paik dos Jih Duc, buh wenp nyenc qaenp juiv, siip MEEC dah geel xaop MEEC XIH dah geel nyenc MIH qouc lis guanl wap, nyaoh aox xaop bens weex sais mas, xongs neix aol nyox piap lagx. ⁸Jiul XUIP JANGS il naih liangp xaop, MEEC guangh laot haengt deic sungp lail Wangc Menl dos xaop, lieenc mingh XENP BENS buh haengt deic dos xaop, yenv yuih xaop JANGS menv nyenc jiul liangp jah. ⁹Douc jaix nongx, xaop nyenh deil hut jens jags jiul, maenl janl weex ongl, xonc sungp lail Wangc Menl dos xaop, yaot aol xaop il mungx nyenc douh soh. ¹⁰Jiul nyimp xaop menv nyenc senk Xus jah, weex nyenc JANGS il nup bings singh、dough liix、MEEC LIS duc mangc douh guaiv; menv naih LIS xaop weex bagl biingv, buh LIS Wangc Menl weex bagl biingv. ¹¹Xaop buh wox jiul il nup qeenk xaop, xoik sais xaop, YADC xaop ags mungx nyenc, xongs bux daiv duc lagx laot yangh; ¹²yuv aol xaop beenh siih doiv lis qit mungx Wangc Menl LAIH xaop laos aox guagl maoh、lis guanl wap maoh jah.

¹³Il naih, jiul buh bens nyenh singc Wangc Menl, yenv yuih xaop lis qingk jiul xonc sungp lail Wangc Menl, laengx liingx sibs yangx; MEEC deic map nuv weex banc lix nyenc, xah deic map nuv weex banc lix Wangc Menl. Banc lix naih nyaengc JANGS menv Wangc Menl, eengv

要讨人喜欢，乃是要讨那察验我们心的神喜欢。⁵因为我们从来没有用过谄媚的话，这是你们知道的；也没有藏着贪心，这是神可以作见证的。⁶⁻⁷我们作基督的使徒，虽然可以叫人尊重，却没有向你们或向别人求荣耀，只在你们中间存心温柔，如同母亲乳养自己的孩子。⁸我们既是这样爱你们，不但愿意将神的福音给你们，连自己的性命也愿意给你们，因你们是我们所疼爱的。⁹弟兄们，你们记念我们的辛苦劳碌，昼夜做工，传神的福音给你们，免得叫你们一人受累。¹⁰我们向你们信主的人，是何等圣洁、公义、无可指责，有你们作见证，也有神作见证。¹¹⁻¹²你们也晓得我们怎样劝勉你们，安慰你们，嘱咐你们各人，好像父亲待自己的儿女一样，要叫你们行事对得起那召你们进他国、得他荣耀的神。

¹³为此，我们也不住地感谢神，因你们听见我们所传神的道，就领受了；不以为是人的道，乃以为是神的道。这道实在是神的，并且运行在你们信主的人

wedt nyaoh aox longc xaop menv nyenc senk Xus jah map. ¹⁴Douc jaix nongx, xaop xAOL yangh menv wagx juml Wangc Menl nyaoh aox Yuc Taij baengh Jih Duc Yeeh Suh jah, yenv yuih xaop buh douh nyenc dih wangp xaop haik, xongs JAH MAOH douh nyenc Yuc Taij haik laot yangh. ¹⁵Mungx nyenc Yuc Taij naih sat Xus Yeeh Suh daengh nyenc wox unv lenc, eengv deic jiul beengl ugs bail. JAH MAOH MEEC lis Wangc Menl xogp, siip nyimp wagx jenl nyenc gungc DAENGL dos; ¹⁶MEEC saip jiul xonc banc lix dos nyenc mangv nugs, aol nyenc mangv nugs lis juv, bens weex digs soix XENP BENS. Wangc Menl ouv qik dogl touk wul xenp JAH MAOH, weex touk lenx peep yangx.

Baox Loc Haengt Eengv Tamk Wagx Juml Teep Sax Loc Nyic Jah

¹⁷Douc jaix nongx, jiul nyimp xaop DAENGL pieek daemh maenl JANGS nas naengl DAENGL pieek, aox longc MEEC DAENGL pieek; jiul songk legc xangk jiv, liangp nyimp xaop jinv nas. ¹⁸Il naih jiul LIS sais touk aox xaop bail, yaoc Baox Loc LIS il daov yac daov yuv bail, xah laot JANGS Sah Danl daengs jis jiul. ¹⁹Xus Yeeh Suh daol map touk xic jah, jiul baengh duc mangc dos sais、xeengp sais leel? Menv jenx lis bus jiul jah JANGS duc mangc leel? Weex nup MEEC JANGS xaop nyaoh dav nas maoh SENH lis jaens xih MEEC? ²⁰Yenv yuih xaop laengx JANGS mungl guanl jiul、xeengp sais jiul.

3 Jiul XUIP eengv yaens MEEC lis, laengx haengt ags nyaoh Yax Dieenx gas, ²paik

心中。¹⁴弟兄们，你们曾效法犹太中，在基督耶稣里神的各教会，因为你们也受了本地人的苦害，像他们受了犹太人的苦害一样。¹⁵这犹太人杀了主耶稣和先知，又把我们赶出去。他们不得神的喜悦，且与众人为敌，¹⁶不许我们传道给外邦人，使外邦人得救，常常充满自己的罪恶。神的忿怒临在他们身上，已经到了极处。

保罗愿再访帖撒罗尼迦的教会

¹⁷弟兄们，我们暂时与你们离别，是面目离别，心里却不离别；我们极力地想法子，很愿意见你们的面。¹⁸所以我们有意到你们那里，我保罗有一两次要去，只是撒但阻挡了我们。¹⁹我们的盼望和喜乐并所夸的冠冕是什么呢？岂不是我们主耶稣来的时候，你们在他面前站立得住吗？²⁰因为你们就是我们的荣耀、我们的喜乐。

3 我们既不能再忍，就愿意独自等在雅典，

Tiic Moh Taip, mungx jaix nongx jiul nyaoh wul sungp lail Jih Duc nyimp Wangc Menl gaenx weex ongl jah bail (“nyimp Wangc Menl gaenx weex ongl” us leec aov xap “weex sangh beenh siih dos Wangc Menl”), YADC jaens xaop, eengv nyaoh wul banc lix xaop senk jah xoik sais xaop, ³yaot lis nyenc douh oIL egs nanh ngaoc neip; yenv yuih xaop ags wox jiul douh egs nanh bens JANGS mingh daiv. ⁴Jiul nyaoh aox xaop xic jah, saemp doh lebc xaop, jiul jingh douh egs nanh, dah lenc nyaengc douh sungp nyungl yangx, xaop buh wox. ⁵Il naih, yaoc XUIP eengv yaens MEEC lis, laengx paik nyenc bail, yuv wox senk sais xaop weex nup, xah yaot mungx DINGV nyenc jah map DINGV xaop, aol daol beec yah deil hut mih.

Tiic Moh Taip Deic Sungp Lail Lebc Bail

⁶Tiic Moh Taip gobs dah aox xaop xonv map, deic senk sais daengh sais liangp xaop menv sungp lail naih lebc dos jiul, eengv wah xaop bens nyenh jiul, aox longc yenc yenc xangk jiul, xongs jiul xangk xaop laot yangh. ⁷Il naih douc jaix nongx, jiul nyaoh aox daengc menv meix hut egs nanh jah, yenv yuih senk sais xaop laengx lis xoik; ⁸nuv baov xaop baengh Xus SENH lis jaens, jiul laengx soh yangx. ⁹Jiul nyaoh dav nas Wangc Menl, yenv yuih xaop nyaengc qingk xeengp sais gungc; GAIV daengc menv xeengp sais naih, yuv weex nup xeep singc jav xih beis lis singc Wangc Menl leel? ¹⁰Jiul maenl janl yenc yenc qouc, yuv jinv nas xaop, bogl digs menv senk sais xaop MEEC kaemk jah.

² 打发我们的兄弟在基督福音上与神同工的提摩太前去 (“与神同工的”有古卷作“作神执事的”), 坚固你们, 并在你们所信的道上劝慰你们, ³ 免得有人被诸般患难动摇; 因为你们自己知道我们受患难原是命定的。⁴ 我们在你们那里的时候, 预先告诉你们, 我们必受患难, 以后果然应验了, 你们也知道。⁵ 为此, 我既不能再忍, 就打发人去, 要晓得你们的信心如何, 恐怕那诱惑人的到底诱惑了你们, 叫我们的劳苦归于徒然。

提摩太报的好消息

⁶ 但提摩太刚才从你们那里回来, 将你们信心和爱心的好消息报给我们, 又说你们常常记念我们, 切切地想见我们, 如同我们想见你们一样。⁷ 所以弟兄们, 我们在一切困苦患难之中, 因着你们的信心就得了安慰; ⁸ 你们若靠主站立得稳, 我们就活了。⁹ 我们在神面前, 因着你们甚是喜乐, 为这一切喜乐, 可用何等的感谢为你们报答神呢? ¹⁰ 我们昼夜切切地祈求, 要见你们的面, 补

¹¹Dogc liangp Bux Wangc Menl daol daengh Xus Yeeh Suh daol saengc daiv jiul touk aox xaop bail; ¹²eengv liangp Xus aol xaop lis sais DAENGL liangp, daengh sais liangp wagx jenl, ledp lis qimp pangp、nal nogl, xongs jiul liangp xaop laot yangh; ¹³lail aol xaop nyaoh xic Xus Yeeh Suh daol nyimp daengc menv lagx bings singh maoh gaenx map jah, nyaoh dav nas Bux Wangc Menl daol, aox longc jaens guadl, wenp bings singh, MEEC LIS duc mangc douh guaiv.

Dah Nyanl Maenl Aol Wangc Menl Xeengp Sais

4 Douc jaix nongx, yaoc naengl LIS sungp wah: Jiul baengh Xus Yeeh Suh qouc xaop、qeenk xaop, xaop XUIP liingx sibs sungp jiul eeus jah, wox yuv il nup weex, jav xih aol Wangc Menl xogp, laengx yuv XAOL menv xic naih xaop weex jah, eengv yuv yah weex yah gungc. ²Xaop bens wox jiul baengh Xus Yeeh Suh xonc menv sungp paik duc mangc dos xaop. ³Meix xangk Wangc Menl laengx JANGS yuv xaop biinv wenp bings singh, todt gail siih lanh; ⁴yuv aol xaop ags mungx nyenc ags wox il nup aol bings singh、qaenp juiv xut lail xenp xangh bens; ⁵bix nabx sais xeengp kuabt liabx, xongs menv nyenc mangv nugs MEEC wox meel Wangc Menl jah. ⁶Bix yuv il mungx nyenc nyaoh wul siih naih yabs kaenk, gux jaix nongx maoh; yenv yuih daengs siih naih, Xus jingh yuv beis nyaenx, xah xongs jiul saemp nyimp xaop wah dah jah, eengv yenc yenc YADC xaop dah jah. ⁷Wangc Menl LAIH jiul, bens MEEC JANGS aol jiul eeul wav

满你们信心的不足。

¹¹愿神我们的父和我们的主耶稣，一直引领我们到你们那里去；¹²又愿主叫你们彼此相爱的心，并爱众人的心，都能增长、充足，如同我们爱你们一样；¹³好使你们当我们主耶稣同他众圣徒来的时候，在我们父神面前，心里坚固，成为圣洁，无可责备。

讨神喜悦的生活

4 弟兄们，我还有话说：我们靠着主耶稣求你们、劝你们，你们既然受了我们的教训，知道该怎样行，可以讨神的喜悦，就要照你们现在所行的，更加勉励。²你们原晓得我们凭主耶稣传给你们什么命令。³神的旨意就是要你们成为圣洁，远避淫行；⁴要你们各人晓得怎样用圣洁、尊贵，守着自己的身体，⁵不放纵私欲的邪情，像那不认识神的外邦人。⁶不要一个人在这事上越分，欺负他的弟兄；因为这一类的事，主必报应，正如我们预先对你们说过，又切切嘱咐你们的。⁷神召我们，本不是要我们沾染污

nyav, xah JANGS yuv jiul biinv wenp bings singh.
⁸Il naih menv baenv wangk jah, MEEC JANGS
 baenv wangk nyenc, bens JANGS baenv wangk
 mungx Wangc Menl saip Guaenl Menl dos xaop
 jah.

⁹Wah touk douc jaix nongx DAENGL liangp,
 MEEC yongh nyenc xap senk dos xaop. Yenv yuih
 xaop ags lis Wangc Menl eeus xaop, aol xaop
 DAENGL liangp. ¹⁰Xaop nyimp douc jaix nongx
 nyaoh daengc dih wangp Max Qik Dunl jah bens
 JANGS il naih weex, jiul qeenk xaop jaix nongx
 yuv yah weex yah gungc; ¹¹yuh yuv jingh sais
 weex nyenc gemv giul, beenh siih XENP BENS, ags
 neip miac weex ongl, xah xongs jiul xic unv YADC
 xaop jah, ¹²aol xaop nyimp nyenc nugs beenh
 siih xeml xingv, XENP BENS buh laengx MEEC LIS duc
 mangc xap xiut yangx.

Xus Map Touk

¹³Wah touk menv nyenc nagp yangx jah,
 jiul MEEC haengt aol douc jaix nongx MEEC wox,
 xah yaot xaop banh sais, xongs menv nyenc
 MEEC lis dos sais jah laot yangh. ¹⁴Nuv baov daol
 senk Yeeh Suh dah deil xonv soh yangx, menv
 nyaoh aox Yeeh Suh nagp yangx jah, Wangc
 Menl buh jingh deic JAH MAOH nyimp Yeeh Suh
 gaenx siic daiv map. ¹⁵Xic naih jiul XAOL sungp
 Xus lebc il hangc siih dos xaop: Daol menv
 nyenc naengl soh gas touk xic Xus map jah, ledp
 MEEC lis dah unv menv nyenc nagp yangx jah;
¹⁶yenv yuih Xus jingh ags dah wul menl luih
 map, LIS soh heemx sint daengh soh nyenc menl
 top, eengv LIS soh seeup Wangc Menl; menv
 nyaoh aox Jih Duc deil yangx jah jingh xonv soh

稜，乃是要我们成为圣洁。
⁸所以，那弃绝的，不是弃
 绝人，乃是弃绝那赐圣灵
 给你们的神。

⁹论到弟兄们相爱，不
 用人写信给你们。因为你们自己蒙了神的教训，叫
 你们彼此相爱。¹⁰你们向马
其顿全地的众弟兄固然是
 这样行，但我劝弟兄们要
 更加勉励 ¹¹又要立志作安
 静人，办自己的事，亲手做
 工，正如我们从前所吩咐
 你们的，¹²叫你们可以向外
 人行事端正，自己也就没
 有什么缺乏了。

主的降临

¹³论到睡了的人，我们
 不愿意弟兄们不知道，恐
 怕你们忧伤，像那些没有
 指望的人一样。¹⁴我们若信
 耶稣死而复活了，那已经
 在耶稣里睡了的人，神也
 必将他与耶稣一同带来。
¹⁵我们现在照主的话告诉
 你们一件事：我们这活着
 还存留到主降临的人，断
 不能在那已经睡了的人之
 先 ¹⁶因为主必亲自从天降
 临，有呼叫的声音和天使
 长的声音，又有神的号吹
 响；那在基督里死了的人

dah unv. ¹⁷Dah lenc daol menv nyenc soh douv luih map jah, jingh nyimp JAH MAOH gaenx siic douh yenl touk aox mas menl, nyaoh banv menl nyimp Xus DAENGL deml. Il naih, daol laengx yuv nyimp Xus gaenx nyaoh jaengl jaengl yais yais. ¹⁸Il naih, xaop yuv aol menv sungp naih DAENGL qeenk.

5 Douc jaix nongx, wah touk nyanl maenl gaos xic, MEEC yongh xap senk dos xaop, ²yenv yuih xaop ags wox tingp tut, nyanl maenl Xus map touk, xongs nyenc liagc aenl janl map touk laot yangh. ³Nyenc eev wah: “Taik biingc anl wanp” xic jah, xeih deeh yunv dogl touk JAH MAOH, xah xongs egs nanh sangx lagx dogl touk nyenc miegs jagl lagx laot yangh; JAH MAOH nanc laengh todt. ⁴Douc jaix nongx, xaop siip MEEC nyaoh aox dengv, aol maenl jav map touk geel xaop xongs nyenc liagc laot yangh. ⁵Xaop ledp JANGS lagx guangl, ledp JANGS lagx aenl maenl, daol MEEC JANGS menv nyaemv dengv jah, buh MEEC JANGS menv doiv liaemt; ⁶il naih daol bix yuv nagp, xongs nyenc geel laot yangh, bens yuv liop dal xut jaens. ⁷Yenv yuih nyenc nagp yangx jah JANGS nyaoh aenl janl nagp, nyenc jaengv kuaot jah JANGS nyaoh aenl janl jaengv. ⁸Daol XUIP JANGS menv nyimp aenl maenl, laengx yuv deic jaens, deic senk sais daengh meix liangp weex yongp kuedp daengs dagl, deic dos sais lis juv weex aems douc kuedp daens. ⁹Yenv yuih Wangc Menl MEEC JANGS saemp jingh daol douh nyaenx, bens JANGS saemp jingh daol baengh Xus Yeeh Suh Jih Duc daol lis juv. ¹⁰Maoh qik daol deil, aol daol MEEC heenk liop、

必先复活。¹⁷以后我们这活着还存留的人，必和他们一同被提到云里，在空中与主相遇。这样，我们就要和主永远同在。¹⁸所以，你们当用这些话彼此劝慰。

5 弟兄们，论到时候、日期，不用写信给你们，²因为你们自己明明晓得，主的日子来到，好像夜间的贼一样。³人正说平安稳妥的时候，灾祸忽然临到他们，如同产难临到怀胎的妇人一样；他们绝不能逃脱。⁴弟兄们，你们却不在黑暗里，叫那日子临到你们像贼一样。⁵你们都是光明之子，都是白昼之子，我们不是属黑夜的，也不是属幽暗的；⁶所以，我们不要睡觉，像别人一样，总要警醒谨守。⁷因为睡了的人是在夜间睡，醉了的人是在夜间醉。⁸但我们既然属乎白昼，就应当谨守，把信和爱当作护心镜遮胸，把得救的盼望当作头盔戴上。⁹因为神不是预定我们受刑，乃是预定我们借着我们主耶稣基督得救。¹⁰他替我们死，叫我们无论醒着、睡着，都与他同

nagp, ledp nyimp maoh gaenx nyaoh. ¹¹Il naih, xaop yuv DAENGL qeenk, DAENGL jiml, eev xongs menv xaop bens weex jah.

Sungp Eeus Daengh Haemk Lail Lenx Peep

¹²Douc jaix nongx, jiul qeenk xaop qaenp juiv menv nyenc nyaoh aox xaop weex ongl deil hut jah, laengx JANGS menv nyaoh aox Xus guans xaop、qeenk eeus xaop jah; ¹³eengv yenv yuih JAH MAOH weex menv ongl jah, aol sais liangp gungc qaenp juiv JAH MAOH; xaop buh yuv DAENGL yuih. ¹⁴Jiul eengv qeenk douc jaix nongx, yuv wah menv nyenc MEEC deic banc jah, qeenk menv nyenc liagp sais jah, bangl menv nyenc mas nyax jah, buh yuv nyimp wagx jenl weex yaens. ¹⁵Xaop yuv xingl ngic, MEEC heenk JANGS nouc ledp bix yuv deic yax beis yax; MEEC XIH daiv jaix nongx, MEEC XIH daiv wagx jenl, bens yuv semh sais lail.

¹⁶Yuv bens xeengp sais, ¹⁷yenc yenc yogc yuih, ¹⁸MEEC heenk siih mangc xeeep singc, yenv yuih menv naih JANGS meix xangk Wangc Menl nyaoh aox Jih Duc Yeeh Suh nyimp xaop jingh jah. ¹⁹Bix yuv weex GAEMV sais lis Guaenl Menl neip jah; ²⁰bix yuv naengc MEEC qit menv nyenc wox unv lenc wah jah. ²¹Siih mangc yuv xac xik, menv lail yuv deic jaens; ²²OIL hangc siih yax yuv jih bix weex.

²³Dogc liangp Wangc Menl saip taik biingc ags aol xaop ledp wenp bings singh. Eengv liangp guaenl、guaenl daengh xenp xangh xaop lis xonc xuh, nyaoh Xus Yeeh Suh Jih Duc daol map touk xic jah, weex xonc xuh, MEEC LIS duc mangc douh guaiv. ²⁴Mungx LAIH xaop jah bens

活。¹¹所以，你们该彼此劝慰，互相建立，正如你们素常所行的。

最后的劝导和问安

¹²弟兄们，我们劝你们敬重那在你们中间劳苦的人，就是在主里面治理你们、劝戒你们的；¹³又因他们所做的工，用爱心格外尊重他们；你们也要彼此和睦。¹⁴我们又劝弟兄们，要警戒不守规矩的人，勉励灰心的人，扶持软弱的人，也要向众人忍耐。¹⁵你们要谨慎，无论是谁都不可以恶报恶；或是彼此相待，或是待众人，常要追求善良。

¹⁶要常常喜乐，¹⁷不住地祷告，¹⁸凡事谢恩，因为这是神在基督耶稣里向你们所定的旨意。¹⁹不要消灭圣灵的感动，²⁰不要藐视先知的讲论。²¹但要凡事察验，善美的要持守；²²各样的恶事要禁戒不做。

²³愿赐平安的神亲自使你们全然成圣。又愿你们的灵与魂与身子得蒙保守，在我主耶稣基督降临的时候，完全无可指责。²⁴那召你们的本是信实的，

JANGS menv senk lis, maoh jingh saoh lail siih naih.

²⁵Nyaengx jaix nongx juv jiul yogc yuih.

²⁶Nyimp douc jaix nongx xudt nas hamk lail, bens yuv bings singh. ²⁷Yaoc XIV Xus YADC xaop, yuv deic senk naih dogc dos douc jaix nongx qingk.

²⁸Dogc liangp singc qaenp Xus Yeeh Suh Jih Duc daol bens nyimp xaop gaenx nyaoh.

他必成就这事。

²⁵ 请弟兄们为我们祷告。²⁶ 与众弟兄亲脸问安，务要圣洁。²⁷ 我指着主嘱咐你们，要把这信念给众弟兄听。

²⁸ 愿我主耶稣基督的恩常与你们同在。